

Tani
Furans
Deru



Tani Furans Deru

Produced by APE (Association pour la Promotion de l'Éducation)
Text by Arumi Mamar, Mamar Bokor, Yísip Ger and Rivers Camp (Galmai Wûji)
Layout Design by Robert Johnson (Sûmpi Zen)






**Kôî tani Furans deru
ru, niya duro jîrigisi ye
karaha ye ru êršenir.**

4

5

**Kôî ginna ru ganu ru deruu,
gêni bui suru huma «Parii»
intigi. Parii gêni Furans duro
mire ginna ru bui.**




Parii

6

7

Parii duro êriši jîrigisi tafu fî caagire ru kisir. Asuu buru durusu tra, suru huma «Tûr Efel» intigaa ña deru. Tûr Efel mire ñulli daa dîyi. Nûlli ru Parii ginna ranir.





Sturasburg



**Te ru bara jîrigisi gonur
ni nii tra suru huma
«Sturasburg» intigaa deru.
Ciiru kôî ai ru jîrigisi tafu fi
cawii bêyi, tafu daa cawii cii.**




**Yega Sturasburg duro cikaa ginna
yega Parii-a kii šiša. Amma muntu
ginna tiriši Jêrman yeyentii ciki.**

**Kôï te ru nii tra suru huma
«Liyo» intigaa deru. Nii te ru
kôï tra duro awa nakigire cii.
Awa deru duro dufur.**

**Kôï ai mire anuu ru amma
Romana-i dompu ni duro
awa huntaa geentigi mêra
huntaa na fatigi.**

Liyo



12

13






**Te ru bara kôï
tra suru huma
«Lêzalp» intigaa
deru. Kôï te ru
êya durusa ciki.**

14


**Êya daa sêgi
côpuncin cii.
Ôtu ru ini tra
turuu tûrtu
yaya durusa
dîire dudur.**



15



Nîs



16


**Lêzalp rur ni nii tra suru huma
«Nîs» intigaa buranir. Kôi
te fôru cî cii. cii. Fôru duro
kamiinir. Yî huma tûntu.**

17




Pîrene

**Awinni rur êya gura
sura huntaa «Pîrene»
intigaa deru. Kôï
te duro ini môfunu
jonku tûrutu dudur.**



**Te ru bara kaan tra suru
huma «Luwar» intigire cii
deru. Yega kubba durusa êya
ru turumtiraã dudur.**

Luwar




20

21




Te ru bara lardu tra suru huma
«Biretaña» intigaa rur deru.
Kôï te duro yegaã wîna huntaã
yî fôru ña daa dêyida dudur.
Ina fôru dugusu raa carkigaã
ginna bûũ dûtugi. Wînuũ
kincoo ina yîũ raa carkigaa
êya yîũ duro
cikaã daa
taptirigi.

Biretaña






**Niya ginna ru cirre ru deruu,
suru huma «Normandi»
intigi. Kôï te ru yege tra fôru
kûi dompire dudur.**




**Yî fôru ña addi tigisoo, daaṅoo
diga ru ntiganoo nterigi. Ciiru
yîũ buyiṅoo, zûlon bēnne tigisigi.**





**Kôï tani Furans sorŋa ru
jîrigisi gonur. Fôru Biritaniya
ye Furans ye kûi ciŋa suru
huma «Fôru Biritaniya ŋa».
Fôru te jîrigisuũ fî caagi.**

**Jîrigisi yîũ
fî caagaa ru
Biritaniya
deru.**



**Produced by APE (Association pour la Promotion de l'Éducation)
Text by Arumi Mamar, Mamar Bokor, Yísip Ger and Rivers Camp (Galmai Wúji)
Layout Design by Robert Johnson (Sûmpi Zen)**

**Published by APE ©2018
All Rights Reserved**





**Published by APE ©2018
All Rights Reserved**

www.dazaga.com